


I Bayibuli iye babaana
ikhureerera

Imbuka isi Wele
aakholela buli
shiindu



Byaronebwa ni: Edward Hughes
Byaloosebwe lakho ni: Byron Unger; Lazarus;
Alastair P.

Byan'gan'gasibwa ni: Bob Davies; Tammy S.

Byaayusibwa ni: Rev Eridad Milton Shissa

Byaarusibwa ni: Bible for Children

www.M1914.org

BFC

PO Box 3

Winnipeg, MB R3C 2G1


Canada

©2021 Bible for Children, Inc.

I Layisiinsi: Uli ni buubalaayi khuukoopolola namwe khuukhupisamwo
luukano luno, n'uuba nga s'uuli khuutsya khuulukulisa ta.



Naanu uwakhubumba ifwe? I Bayibuli,
nga niyo Ilomo ya wele, ikhubooelela ifwe isaambo
isi babaandu baarakikhamwo. Khaalekho, Wele
aambuumba umuundu uwanyoowa, aryo
waamwiikha lisiina ari Adamu.




Wele aabuumba Adamu khukhwaama mwifukhuulu
Iye khu shibala. Ne Wele n'aaheela kumuukha kwe
buulamu mu Adamu, Adamu ekela umuundu umulamu.


Aryo wenyoola nga ali mu mukuunda kumulayi
kweesi balaanga bari Edeni.




Wele nga ashiili khuubuumba Adamu ta, aanyoowa khuubuumba shiibala shiilayi shishiitsuulemwo bibiindu biilayi swaa busa. Wele waatsya nga abuumba shitweela khu shitweela, waarawo biifwo bye tsingoongo, ni biifwo bye kumusaaleela, biimuli bibiiwunya buulayi, ni kimisaala kimileeyi, ...




... binywiinywi bye tsiraangi khu mooya kaabyo ke tsisaambo tsitsiikhali ndweela ta, ni ntsukhi ikeenda nga iwuuma, kamanyeeni kamaboofu ni tsiikhumuniyu tsitsarerera. Mwilala, Wele aabumba buli shiindu shyoosi shishiiliwo - Buli shiindu shoosi.



Mu khurakikha
khukhweene, nga Wele
ashiili khuubuumbayo
shishiindu shoosi
ta, siyabawo
shishiindu shoosi
ta, khuurusakho
Wele umweene
yenyene. Siyabawo
babaandu namwe
shishiindu shoosi ta.




Mbaawo shoosi ta. Nga
mbaawo buwaanga namwe
shishiilima ta. Nga mbaawo
khuuniina nga khukhwiihilila
ta. Nga mbaawo ingoloobe
namwe kumukaamba
ta. Wele yenyene
niye uwabawo,
ukhaabakho ni
buurakikhilo ta.
Nio Iwanyuma Wele
waabakho ni sheesi akhola.
Mu khurakikha, Wele
aabuumba liikulu ni shibala.




Ni shibala shaba shaayikoyakoya
busa nga mbaawo shiindu
shiilamu ta. Ni
shishiilima shaba
shaabiimbilila
buli aandu oosi
khu ngaaki
khwasho.


Nio
lwanyuma
Wele
waakanikha,
"Ni abewo
buwaanga."



Buwaanga bwaaburukha. Kila wele alaanga Buwaanga
ari Kumuusi, ni shishiilima waashilaanga ari Shiilo.
Aryo antsyeye bwelabula, luundi bweelayo bwaasha
kumutikhinyi, ishyo shifukhu shiikiboole.




Khu shifukhu she khaabili, Wele aareera kameetsi
ke mu mayaantsa, tsinyaantsa ni buyaantsa atweela
aasi e likulu. Khu shifukhu she khaataru, wele
waaloma ari, "Lekha lulwoomu lubonekhe."
Shiryo shaakholekha.




Luundi Wele waalakila buunyaasi ni bimuli, ni bitsakha,
ni kimisaala, bibonekhe. Biryo byoosi byaabonekha.


Aryo antsye bwelabula luundi
bwaasha kumutikhinyi,
shaaba shifukhu
she khaataru.




Nio lwanyuma Wele waakhola
Inyaanga, ni kumweesi, ni tsinieniesi
swaa busa tsyeesi umuundu yeesi
akhanyala waabala na khubala ta.
Aryo antsywe bwelabula luundi
bwaasha kumutikhinyi, shaaba
shifukhu she khaane.




Bibuumbe bye mu nyaantsa,
ni tsinyeeni, ni binywiinywi
nibyobybyeelakho byeesi
Wele aabumba. Khu
shifukhu she khaaraano,
Wele aabumba kunyeeni
kukuufuurayo buuboofu,
ni bunyeeni buukeekhe,
kiminywiinywi
kikyekaangukha mu
ngaaki tsinyoofwe, ni
bunywiinywi namyeenya
buukeekhe.




Wele waabuumba buli
shikuuka shoosi she
tsinyeeni, khuulyalyakhana
mu meetsi koosi, na buli
saambo iye binywiinywi
khukhwiinyayila khu
shibala, ni khu meetsi,
ni mwibaanga lye likulu.
Aryo antsye bweelabula,
luundi bweelayo bwaasha
kumutikhinyi, shifukhu
she khaaraano.




Lwanyuma lweebyo, Wele waakanikha luundi.
Kwa luno waaloma ari, "Khayo shiibala shisaale
bibuumbe biilamu..." biryo nio buli shikuuka sha buli
solo, ni bikuuku, ni bibyalaamila aasi khwiloba
byeetsawo. Mu bino mwabamwo tsintsofu
tsitsiisindokoma khu shibala ni buusolo bukeekhe
bubwiilikuusa eyi ni neeyi.



Nga waareerekho ni tsikhobe, ni tsikoonya.
Urekho ni kamakhanu, ni buubeba bwoosi,
waambuumbayo ni tsitiika ni bupusi bubwiinyahaka.
Isolo iya buli saambo yoosi yabuumbibwa ni Wele
khu shifukhu isho. Indi luundi antsy e bweelabula,
luundi bwaasha kumutikhinyi shifukhu she
khaasesaba.




Wele ndi waakhoolayo shishiindu shishiindi
khu shifukhu she khaasesaba - shishiindu sha
buraawa naabi. Khu mbuka yino buli shiindu shaba
shaarekekhebwele khu
lw'omuundu. Biilyo
byabawo mu mikuunda,
ni tsisolo tsyeene
khuumwakaanisatsaka.




Luundi ndi Wele waaloma ari, "Ari khakhukholeyo umuundu mu shifwaani sheefwe shisheene. Khayo umweene yuno abe niye uwula buli shiindu shoosi shishiili khu shibala." ARYO WELE WAABUUMBA

UMUUNDU MU SHIFWAANI
SHEEWE SHISHEENE; MU
SHIFWAANI SHEEWE
SHISHEENE, NIMWO
MWEESI WELE
AABUUMBILA
UMUUNDU ...



Kila Wele akanikha isi
Adamu ari, "Lya buli
shiindu shoosi sheesi
ukana khukhwaama
mu mukuunda.

Ne ukhalyakho
khu kusaala kwe
khuumanya shiilayi
ni shiibi ta. Nga
weetsile khulyakho
khu kusaala ukwo,
ilala ukhaafwe."



Luundi ndi Umukasya Wele waaloma ari, "Sishili shiilayi umuundu/umusaani khuuba yenyene. Indy kane imukholeleyo umuyeeti umwaakhila." Aryo waareerera Adamu binywiinywi ni biisolo. Naye aryo Adamu waabitwiikhaka kamasiina byoosi.




Shinyalikha khuuba nga aaba umusaani umukesi
naabi. Ne khu binywiinywi byoosi ni biisolo byeene,
mbaamwo shyeesi aanyoolamwo
nga shaakhila khuuba she
khuubeesabeesa
isi Adamu ta.



Aryo Wele waareerera Adamu liilo nameyiriira lilyeene. Aryo Wele nga waarusilemo lutweela khu mbafu tsya Adamu, waalubumbamwo umukhasi.

Umukhasi uyo isi Wele aabumba aabeela ilala uwakhuuba umuyeeti isi Adamu.



Aryo Wele waaba waabuumbile bibiindu
byoosi mu bifukhu bisesaba byonyene. Kila
awa tsikhabi shifukhu shye Kumusaafu,
waalwikelisa shifukhu shye khuuwolakho.
Mu mukuunda kwa Edeni, Adamu ni Eve
umukyelama weewe, baaba ni kumwikhoyo
kumwitsufu kwe khuuwuliilisa byeesi
Wele aloma. Wele aaba niye
Umukasya waabwe,



umuwaani waabwe luundi Umusaale waabwe.



Imbuka isi Wele aakholela buli shiindu
Luukano khukhwaama mu Lomo ya Wele,
I Bayibuli

Inyoolekhana mu

Khuurakikha 1-2

"Biilomo byoowo nga byeenjiile bireera
buwaanga." I Zabuli 119:130






Intasakamwo



1



60



Luukano Iwe Bayibuli luno lukhuboolela ifwe bibiihaamba
khu Wele weefwe umukhulu, uwakhubuumba ifwe naluundi
uukhukana iwe umumanye niye.

Wele waamanya ari ifwe khukhola bibiindu biibi biikali, byeesi niye
umweene alaanga ari bibyoonako. Shitaambiso shye bibyoonako nikhwo
khuufwa, ne Iwekhuuba Wele akhukana iwe naabi, waarumana Umwaana
weewe Mutweela Yenyene, Yesu Kristo, khukhwiitsa khuukhufwiilila khu
musalaba, aryo niye waataambisibwa Iwe bibyoonako byoowo. Lwanyuma
Yesu waalamukha khukhwaama mu bafu weelayo Mwikulu! Iwe n'ufukiilisa
Yesu, waamuloomba khuukhwiyakhila bibyoonako byoowo, kane ashikhole!

Niye Umweene kane eetse, amenye mwiiwe aluno ari,
ni nawe umenye ni naye biilo ni biilo.

N'uuba nga waafukiilisile uri buno buli bwan'gali, loma shino isi Wele:
O Yesu, ifukiilisa indi iwe uli wele, ne wekyela umuundu khuufwa Iwe
bibyoonako byase, ni na ari uliwo umulamu luundi. Ari yinjila mu bulamu
bwase, wiyakhile bibyoonako byase, nio inyalise khuuba ni buulamu
bushaakha alunaari, nio lube lutweela niitse imbe ni nawe biilo ni biilo.

N'unjeete imbe uwuliilisa byeesi uloma, imbewo khulwoowo
nga umwaana woowo. Amiina.

Soma I Bayibuli, ukanikhatsake ni Wele buli busheele! Yokana 3:16

